



Dipartimentu
Pro sos Afàrios Regionales



REGIONE AUTONOMA DE SARDEGNA
REGIONE AUTONOMA DELLA SARDEGNA
ASSESSORADU DE S'ISTRUZIONE PÙBLICA, BENES CULTURALES, INFORMAZIONE, ISPETTACULU E ISPORT
ASSESSORATO DELLA PUBBLICA ISTRUZIONE, BENI CULTURALI, INFORMAZIONE, SPETTACOLO E SPORT



Comune de Nughedu Santa Vittòria
Provintzia de Aristanis
www.comunenughedusv.it



Servitziu linguisticu sardu de su Comune de Nughedu Santa Vittòria
Sotziedade Cooperativa L'ALTRA CULTURA

SU SARDU, LIMBA DE MINORIA

Ite est una minoria linguistica

est una comunidade chi faeddàt una limba diferente dae cussa ufitziale.

In Itàlia de minorias linguisticas nde tenimus medas, amparadas siat dae sa Costituzione de su 1948, chi in s'artìculu 6 narat: "La Repubblica tutela con apposite norme le minoranze linguistiche", siat dae una leze de s'Istadu, sa 482 de su 1999 "Norme in materia di minoranze linguistiche storiche".

Sas minorias italianas sunt:

Albanesu, chi faghet parte de sa familia de sas limbas indoeuropeas. Sos dialetos albanesos sunt partzidos in duas variedades mannas, su ghegu e su toscu.



■ Tedesco	} Parlate alloglotte
■ Sloveno	
■ Franco-Provenzale	
■ Provenzale	
■ Ladino	} Dialetti italiani settentrionali
■ Friulano	
■ Gallo-Italico	
■ Veneto	
■ Toscano	
■ Mediani	} Dialetti italiani centro-meridionali
■ Meridionali intermedi	
■ Meridionali estremi	
■ Logudorese-Campidanese	} Sardo
■ Sassarese-Gallurese	

S'albanesu est faeddadu in Abruzzo, Basilicata, Calabria, Campania, Molise, Puglia, Sicilia.

- **Croatu**, faghet parte de su sistema linguisticu serbucroatu e apartenet a su grupu meridionale de sas limbas islavas. Est

faeddadu in Molise.

- **Francuprovenzale** est faeddadu in Valle d'Aosta, in unas cantas bades de su Piemonte e in sos comunes de Celle di San Vito e de Faeto, in provintzia de Foggia.
- **Frantzesu** est faeddadu in Valle d'Aosta in ue b'est su bilinguismu italianu-frantzesu.
- **Friulanu** faeddadu in sa Regione Autònoma de su Friuli Venezia Giulia.
- **Germànicu** faeddadu in Trentino Alto Adige.

Greco est una variedade unu pagu diferente dae su greco modernu e est faeddadu in Puglia e Calabria.

[Digitare il testo]

l'altra cultura
Sotziedadi Cooperativa - Aristanis

Isportellu Linguisticu Subcomunale
Prozetu Leze 482/99 Annada 2009 Operadore Sara Firinu

- **Islovenu** est faeddadu in Friuli Venezia Giulia, a làcana cun s'Islovènia.
- **Ladinu** sunt sas faeddadas romanzas traditzionales de s'area dolomìtica; est faeddadu in sas provìntzias de Bolzano, Trento e Belluno.
- **Otzitànicu** faeddadu in sas baddes otzitanas de su Piemonte e in su Comune de Guardia Piemontese, in Calabria
- **Sardu**, faeddadu in Sardigna



Su sardu est una limba neo-latina, ca benit dae su latinu, comente su catalanu, su corsu, su frantzese, su friulanu, s'ispagnolu, s'italianu, su ladinu, su portoghesu, su rumenu.



Est faeddadu dae prus de unu milione de persones in Sardigna e dunca est sa minoria linguistica prus manna de totu Itàlia.

Sa limba sarda est amparada siat dae s'Istadu (Lege 482/99) siat dae sa Regione Sardigna (Lege 26/97) chi dant a su sardu sa matessi dignidade de s'italianu.

S'iscopu de sos istados in ue si faeddant una limba de minoria est cussu de arribare a su bilinguismu, est a nàrrere chi ambas limbas, sardu e italianu in su casu nostru, siant reconnotas a manera ufiziale dae s'istadu, ambas duas benint impreadas pro faeddare de cale si siat argumentu sena chi una potzat èssere cunsiderada prus importante de s'àtera. Arribare a su bilinguismu diat chèrrere nàrrere a tènnere resurtados mannos pro nois sardos:

- s'impreu fitianu de ambas limbas dae parte de totus;
- su riconoscimentu ufiziale de su sardu dae parte de s'Istadu Italianu;
- sa presèntzia de su sardu in cartellos, in sa toponomàstica e in cale si siat ratza de avisu;
- su bilinguismu in iscola;
- una cussèntzia noa chi nos permetat de bìdere su sardu comente limba e non prus comente dialetu de sa gente pagu istudiada.

Tocat a ammentare semper chi, èssere e nàschere *bilingue*, cheret nàrrere a tènnere una conca prus bona pro imparare, ammentare, repìtere, fintzas cando s'imparant àteras limbas.

Dunca, est cosa bona a fàghere su possibile pro dare ufizialidade a sa limba nostra, pro pòdere arribare a su bilinguismu. Su camminu est longu e prenu de ostàculos e dificultades, fintzas pro ite su sardu est istadu, pro sèculos medas, limba faeddada ebbia. Sos conchistadores chi sunt arribados a s'isula nostra nd'ant batidu sa limba

[Digitare il testo]

l'altra cultura
Sotziedadi Cooperativa - Aristanis

Isportellu Linguisticu Subcomunale
Prozetu Leze 482/99 Annada 2009 Operadore Sara Firinu

issoro; ant arrichidu e fintzas mudadu sa nostra e cumplicadu s'assetu de sa limba sarda.

Su sardu est unu ebbia ma bi sunt diferèntzias in sa manera de faeddare de nois sardos, bi sunt variantes medas, fortzis una pro onni bidda de Sardigna, diferentes intre issas.

Agatare una manera de iscriere chi potzat andare bene a totus, normas ortogràficas chi siant coerentes cun totus sas variantes de su sardu no est fàtzile, ma mancu impossibile.

Nos devimus ammentare semper chi...

Una limba chi est faeddada ebbia, mancat de carchi cosa, est una limba a metade,
arriscat de iscumpàrrere.

[Digitare il testo]

l'altra cultura
Sotziedadi Cooperativa - Aristanis

Isportellu Linguisticu Subracomunale
Prozetu Leze 482/99 Annada 2009 Operadore Sara Firinu